



L' MINISSE DÈL CULTÛRE,

Olivî Chastèl, vout mète pus hôt nos bèlès lètes èt, po ça, nos a risatchî 15.000 Uros foû d' sès caurlés ridants. Pokwè? Po fé on transla-taedje è l' inglès do lîve “Passeû d' lumîre”, da Bèrnârd Tirtiâ, k' a rèxhu è 1992 amon Denoël èt dispû ièsse vindu 200.000 côps. Parètréve minme k' on èditeû dès USA l' va publiyî. Cki nos djinne là-ddins, c' èst, d' acostumance, l' èditeû ki prind à s' kèdje li translataedje. L' aspouye auzè “Lètes” sèréve Bén pus profitâbe à on auteû, k' a ptète Bén do mèrite èt Bén dès rûjhes à s' fé imprumer, k' a rimète ène pitite tchandèle po lumer ène rawète di pus cki èst dèdjâ è plin solia.

*

ÈST-CE K' I GN' A DÈS MÈYEUS ÈT DÈS MWINS BONS ?

Après l' procès d' Adâlf Eichman, Arhend Hannah a polu dire :
“Avou l' mèyeuse volté do monde, on
| n' arive
| nén à
| trover dins

A. Eichman li pus pitite picîye d' idêye diâlisse o co dèmonisse. L' lèçon k' on è satche, c' èst ki l' mètchanceté d' l' omanité èst-ossi èwarante, sins astantche, incrwèyâbe ki tot bièssemint banâve.”

I s' faut Bén rimimbrer lès sayes d' on profèsseû avou sès èlèves k' avîne à èvoÿî d' l' èlèctrike corant - **todi pus fwârt** – à ène sakî ki, d' après leû seûle idêye, n' dijève nén l' vèrité. Si l' corant avève sitî po d' bon mètù, i gn' arève yeut ène bèle rilîye di plins bachas. C' èst drole, kand i s' pout “muchî” ddrî dès ordes, l' ome (come li feume) s' va sovènt lèyî aujîmint ènn' aler au pus mwê. N' dimère-t-i nén èto ène pitite rawète di Sadièsse dins lès pus *drwèts* ?

*

SIBARANT !

C' èst co vrèmint po z-èradjî. Dins ène gazète ki boute po l' Walonîye dispû sakants ans èt ki n' î fiève k' ène fayéye plaèce à s' lingaedje (d'jusse dèl powèziye odobén dès viyès tchansons) dins on lumèro ki vout mète dsus l' tauve tot cki “èst” asteûre dsus s' dièle, s'n' aurziye, sès pachis, sès bwès, s' daegne, on n' î trove k' on tècse “*Pol reyabilitâcion do walon*”. Come si s' avève li-minme rabachî. L' ôteu s' sint minme oblidi d' dire **mèrci** èt rinde grâce po l' plaèce prustêye ! Pont d' “sèryeû sudjèt” à polu ièsse èto traîtî è walon !

*

I shènerève k' on s' mèt à dire di RABULÈTS ki, insi k' pou l' “Monde Diplomatike” i faurève n' si mète à l' lire k' avou on dicsionère asto. Kè dijèz-vos, vos ?

*

I n' vos faut nén vos èwarer, on comèle èt maxhe todi lès moudêyes di sicrijhaedje